

Ké Kàusu ê Chin Bīnmāu

2 Íchêng ū ké tāigiânjîn tī bīnkan chhuthiān, chiong-lâi mā kângkhoán ē ū ké kàusu tī lín tiongkan chhuthiān. In àmtiong ínchìn húibiátsèng ê itoan, sīmchì m̄ sêngjīn kā in siòkhôe ê Chú, tìsú chin kín tòh ūi kakī tòa lâi biátbông. 2 Jíchhiáⁿ ū chin chē lâng ē kintòe in ìmloān ê sengoah hongsek, tìsú chintō soah ūi tiòh in ê iânkòe lâi chosiū húipòng. 3 Chiahê ké kàusu inūi thamlâm, ē liapchō kòsū lâi pián lín ê chíⁿchài. SiōngChú tui in ê símphòⁿ chá tòh tiāⁿtiòh, in liâmpiⁿ tòh ē biátbông.

4 SiōngChú pēng bô khoaniông hoānchōe ê thiⁿsài, tiantò kā in hiat lòhkhì imhú, siúkim tī òam ê chhim kheⁿ, tī hia thèng-hāu símphòⁿ. 5 SiōngChú mā bô khoaniông kóchá sí ê sèkài, tiantò ēng tōa chúi imbiát hiahê bô kèngùi SiōngChú ê sèkan lâng, kantaⁿ chínkiù soaniông konggī ê Nóah, kah kītha ê chhitê lâng. 6 SiōngChú mā chhúhoat Sótóm kah Gômôláh chit n̄ngê siáⁿchhī, ēng hóe kā in siobiát, hō in chiáⁿchòe āulâi bô kèngùi SiōngChú ê lâng ê kéngkài. 7 SiōngChú mā ū chínkiù gīlâng Lótoh, inūi i tiāⁿtiāⁿ ūi tiòh pháíⁿlâng ê siáok ìmloān chhimchhim iubūn. 8 Chit ê gīlâng Lótoh inūi tòa tī in tiongkan, ták jít khòⁿkìⁿ koh thiaⁿkìⁿ hiahê siáok ê tāichì, simlāi huisiông thòngkhó. 9 Chú chai árchóaⁿ chínkiù kèngkhian ê lâng thoatlī chhiliān, mā chai árchóaⁿ kā putgī ê lâng lâu kàu símphòⁿ ê jít khì siū hênghoat, 10 tèkpiát sī hiahê hòngchhiòng jiòkthé chēngiòk, koh biásūi Chú koānuì ê lâng.

Ké Kàusu ê Siáok Kaksek

Chiahê ké kàusu tōatáⁿ koh jīmsèng, sīmchì siattók hiahê chunkùi ê, in mā m̄ kiaⁿ. 11 Tiòhsng sī khùilát kah koānlêng pí chiahê ké kàusu khah tōa ê thiⁿsài, mā bē tī SiōngChú bīnchêng ēng húipòng ê òe khòngkò in. 12 M̄ koh, chiahê lâng chhinchhiūⁿ bô lêngsèng ê iásiù, chhutsì tòh sī beh hō lâng liáh khì thài ê. In húipòng kakī số m̄

假教師 ê 真面貌

2 以前有假代言人 tī 民間出現，將來 mā 全款 ē 有假教師 tī lín 中間出現。In 暗中引進毀滅性 ê 異端，甚至 m̄ 承認 kā in 贖回 ê 主，致使真緊 tòh 為 kakī 帶來滅亡。2 而且有真 chē 人 ē 跟 tòe in 淫亂 ê 生活方式，致使真道 soah 為 tiòh in ê 緣故來遭受誹謗。3 Chiahê 假教師因為貪婪，會捏造故事來 pián lín ê 錢財。上主對 in ê 審判早 tòh 定 tiòh, in liâmpiⁿ tòh ē 滅亡。

4 上主並無寬容犯罪 ê 天使，顛倒 kā in hiat 落去陰府，囚禁 tī 烏暗 ê 深坑，tī hia thèng 候審判。5 上主 mā 無寬容古早時 ê 世界，顛倒用大水淹滅 hiahê 無敬畏上主 ê 世間人，kantaⁿ 拯救宣揚公義 ê 挪亞，kah 其他 ê 七个人。6 上主 mā 處罰所多瑪 kah 蛾摩拉 chit 兩個城市，用火 kā in 燒滅，hō in 成做後來無敬畏上主 ê 人 ê 警戒。7 上主 mā 有拯救義人羅得，因為伊 tiāⁿtiāⁿ 為 tiòh pháíⁿ 人 ê 邪惡淫亂深深憂悶。8 Chitê 義人羅得因為 tòa tī in 中間，ták 日看見 koh 聽見 hiahê 邪惡 ê tāichì, 心內非常痛苦。9 主知 án 怎拯救敬虔 ê 人脫離試煉，mā 知 án 怎 kā 不義 ê 人留到審判 ê 日去受刑罰，10 特別是 hiahê 放縱肉體情慾，koh 藐視主權威 ê 人。

假教師 ê 邪惡角色

Chiahê 假教師大膽 koh 任性，甚至褻瀆 hiahê 尊貴 ê, in mā m̄ 驚。11 Tiòh 算是氣力 kah 權能比 chiahê 假教師 khah 大 ê 天使，mā bē tī 上主面前用誹謗 ê 話控告 in。12 M̄ koh, chiahê 人親像無靈性 ê 野獸，出世 tòh 是 beh hō 人掠去 thài ê. In 誹謗 kakī 所 m̄ 知 ê tāichì, in ē tī 毀滅別人 ê 時，kakī mā 被毀滅；13 in ē

chai ê tâichì, in ē tī húibiát pátlâng ê sî, kakī mā pī húibiát; 13 in ē siū tiòh in putgī hêngûi ê pòèng. In tī jitsî tòh tîmlûn tī chêngiòk ê boánchiok lâi hoaⁿhí. In sī ùtiám kah hâchhû, tī kah lín chòhóe limchiáh ê sî, tī in kakī ê kúichà tiong hòngchhiòng iànlok. 14 In ê bákchui chhiong móa siâiòk, jíchhiáⁿ hoānchōe bô soah; in bêhék sînsim bô kiankò ê lêng; in ê sim koànsì thamlâm; in sī siū SiōngChú chiùchó ê kiáⁿjī. 15 In līkhui chêngtō, kiâⁿjíp bêlō, kiâⁿ tī Bohol ê kiáⁿ Palân só kiáⁿ ê lô. Palân thamài putgī chi chài, 16 m̄ koh, i inūi kakī só hoān ê chōe siū tiòh chekpī; chit chiah bê kóngōe ê l'á, kèngjiân ēng lêng ê siaⁿ kóngōe, chóchí tãigiânjîn Palân ê lāmsám.

17 Chiahê lêng chhinchhiūⁿ bô chúí ê chúichôaⁿ, mā chhinchhiūⁿ hō kônghong chhoe sòⁿ ê hûnbū; SiōngChú íkeng tī oàm ê chhimian ūi in lâu chitê sóchāi. 18 In kóng khanghi khoakháu ê ōe, ēng jiòkthé ê chêngiòk kah siâm lâi iúhék hiahê tútú thoatlī tī sitbê tiong sengoáh ê lêng. 19 In èngún beh hō lêng chūiū, kakī khiok chiâⁿchò húpai sengoáh ê lôlê, inūi lêng nā siū siáⁿmih khòngchè, tòh ē chiâⁿchò hithāng ê lôlê. 20 Lêng thongkòe jīnbat KiùChú lésu Kitok, thoatlī sèkan hiahê ùde íau, nā koh hō chiahê húpai ê sèlèk kautiⁿ, koh siū chèhòk, áne, in ê kiátkiòk ē pí íchêng koh khah chhám. 21 Inūi in jīnbat konggī chi tō liáuāu, kèngjiân koh pōelí só thoân hō in ê sînsèng kàibēng, áne, in lêngkhó tui khíthâu tòh lóng m̄ bat khah hó. 22 In ê chêngheng tú chêngsít siòkgí só kóng ê, "Káu'á tòtng khì chiáh kakī só thờ ê mih, tì'á sé chhengkhì liáuāu, sūsí koh tòtng khì nòⁿa tī thômôe tiong."

受 tiòh in 不義行為 ê 報應。In tī 日時 tòh 沉淪 tī 情慾 ê 滿足來歡喜。In 是污點 kah 瑕疵, tī kah lín 做伙 lim 食 ê 時, tī in kakī ê 詭詐中放縱宴樂。14 In ê 目 chiu 充滿邪慾, 而且犯罪無 soah; in 迷惑信心無堅固 ê 人; in ê 心慣勢貪婪; in 是受上主咒詛 ê kiáⁿ 兒。15 In 離開正道, 行入迷路, 行 tī 比珥 ê kiáⁿ 巴蘭所行 ê 路。巴蘭貪愛不義之財, 16 m̄ koh, 伊因為 kakī 所犯 ê 罪受 tiòh 責備; 一隻 bê 講話 ê 驢 á, 竟然用人 ê 聲講話, 阻止代言人巴蘭 ê lāmsám。

17 Chiahê 人親像無水 ê 水泉, mā 親像 hō 狂風吹散 ê 雲霧; 上主已經 tī 烏暗 ê 深淵為 in 留一个所在。18 In 講空虛誇口 ê 話, 用肉體 ê 情慾 kah 邪淫來誘惑 hiahê tútú 脫離 tī 失迷中生活 ê 人。19 In 應允 beh hō 人自由, kakī 卻成做腐敗生活 ê 奴隸, 因為人若受啥物控制, tòh ē 成做 hit 項 ê 奴隸。20 人通過認 bat 救主耶穌基督, 脫離世間 hiahê 污穢以後, 若 koh hō chiahê 腐敗 ê 勢力交纏, koh 受制伏, áne, in ê 結局會比以前 koh khah 慘。21 因為 in 認 bat 公義之道了後, 竟然 koh 背離所傳 hō in ê 神聖誠命, áne, in 寧可 tui 起頭 tòh lóng m̄ bat khah 好。22 In ê 情形 tú 證實俗語所講 ê: 「狗 á 倒 tng 去食 kakī 所吐 ê 物, 豬 á 洗清氣了後, 隨時 koh 倒 tng 去 nòⁿa tī 土糜中。」